



## საქართველოს იუსტიციის უმაღლესი საბჭო

ქ. თბილისი № 1/70

„ 17 „ ივნისი 2021 წ.

### ბ ა ნ კ ა რ ბ უ ლ ე ბ ა

ქ. მამაცაშვილის თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ქეთევან მამაცაშვილი 2021 წლის 18 ივნისიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

## დასახუთება

### ქეთევან მამაცაშვილის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 26 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ქეთევან მამაცაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

#### **კანდიდატის შესახებ მოძიებული ინფორმაცია:**

ქეთევან მამაცაშვილს აქვს სპეციალობით მუშაობის 15-წლიანი, მათ შორის მოსამართლედ მუშაობის 9-წლიანი გამოცდილება. იგი საერთო სასამართლოების მოსამართლეა 2012 წლის 5 მარტიდან. ქეთევან მამაცაშვილი სხვადასხვა დროს მუშაობდა თბილისის საოლქო, თბილისის სააპელაციო და საქართველოს უზენაესი სასამართლოების აპარატში სხვადასხვა თანამდებობაზე. ამჟამად იგი არის თბილისის საქალაქო სასამართლოს სამოქალაქო საქმეთა კოლეგიის მოსამართლე.

ქეთევან მამაცაშვილს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 1417 საქმე (საშუალოდ დღეში 1,4 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 77,9%. ქეთევან მამაცაშვილს, მიუხედავად დატვირთულობისა, აქვს საქმეთა განხილვისას საპროცესო ვადების დაცვის მაღალი მაჩვენებელი, კერძოდ, მას საქმეთა 96,5% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

ქეთევან მამაცაშვილი პერიოდულად ატარებს ტრენინგებს ადვოკატებისათვის.

#### **კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ქეთევან მამაცაშვილს გაესაუბრნენ 2021 წლის 3 ივნისს. გასაუბრება წარიმართა ღია სხდომაზე.

**კანდიდატის შეფასება:**

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ქეთევან მამაცაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

ქეთევან მამაცაშვილის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ქეთევან მამაცაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 943 ქულა, რაც ქულების მაქსიმალური რაოდენობის 78,58%-ია.

**კენჭისყრის შედეგები:**

2021 წლის 17 ივნისს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-7 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ქეთევან მამაცაშვილმა მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 15 კანდიდატი, მათგან 6 მოქმედი პირველი ინსტანციის მოსამართლე, 1 ყოფილი მოსამართლე და 8 იუსტიციის უმაღლესი სკოლის ყოფილი მსმენელი, კერძოდ:

- |                                  |                                 |
|----------------------------------|---------------------------------|
| 1. ბუგიანიშვილი ვალერიან - 0 ხმა | 9. მამაცაშვილი ქეთევან - 11 ხმა |
| 2. გზირიშვილი ალექსანდრე - 0 ხმა | 10. ტყემელაშვილი ირინე - 0 ხმა  |
| 3. გოგატიშვილი დიანა - 0 ხმა     | 11. ტყემელაშვილი რომეო - 0 ხმა  |
| 4. გოცირიძე კობა - 0 ხმა         | 12. ფორჩხიძე ვიოლეტა - 0 ხმა    |
| 5. დუგლაძე ქეთევან - 0 ხმა       | 13. ყოლბაია ლევან - 0 ხმა       |
| 6. თუნაური გიორგი - 0 ხმა        | 14. ჭილაია კოტე - 0 ხმა         |
| 7. კაპანაძე თორნიკე - 1 ხმა      | 15. ჯავახიშვილი მაია - 0 ხმა.   |
| 8. მაკარაძე დავით - 0 ხმა        |                                 |

**დასკვნა:**

კანდიდატ ქეთევან მამაცაშვილის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ქეთევან მამაცაშვილი.

ნიკოლოზ მარსაგიშვილი  
საქართველოს იუსტიციის  
უმაღლესი საბჭოს მდივანი